

Bosna i Hercegovina
Federacija Bosne i Hercegovine
Bosansko-podrinjski kanton Goražde
MINISTARSTVO ZA PRIVREDU



P R O G R A M

**utroška sredstava Ministarstva za privredu Bosansko-podrinjskog kantona Goražde
sa ekonomskog koda 614100 „Tekući transferi drugim nivoima vlasti za razvoj turizma“**

Goražde, januar, 2026.godine

PODACI O PROGRAMU

Naziv programa: :”Program razvoja turizma u Bosansko-podrinjskom kantonu Goražde za 2026. godinu”.

Budžetski korisnik:	Ministarstvo za privredu
Budžetski razdjel:	17
Ekonomski kod:	614 100 (RAZ 002)
Naziv ekonomskog koda:	Tekući transferi drugim nivoima vlasti
Period realizacije programa:	01.01. – 31.12.2026.godine
Ukupna vrijednost programa:	101.000,00 KM
Odgovorna osoba:	Mensad Arnaut
Pozicija odgovorne osobe:	Ministar
Kontakt osoba za program:	Minela Bašić
Kontakt telefon:	+387-38-224-264
Kontakt e-mail:	minela.basic@mpbpkg.gov.ba
Internet:	www.mp.bpkg.gov.ba

Na osnovu člana 47. Zakona o izvršenju Budžeta Bosansko-podrinjskog kantona Goražde za 2026. godinu ("Službene novine Bosansko-podrinjskog kantona Goražde", broj:13/25) i odredaba Zakona o ministarstvima i drugim tijelima Kantonalne uprave Bosansko – podrinjskog kantona Goražde ("Službene novine Bosansko-podrinjskog kantona Goražde ", br.9/13 i 13/13), Strategije razvoja Bosansko-podrinjskog kantona Goražde za period 2021-2027 ("Službene novine Bosansko-podrinjskog kantona Goražde", broj:4/21), Strategije razvoja turizma Bosansko-podrinjskog kantona Goražde za period 2023-2030 ("Službene novine Bosansko-podrinjskog kantona Goražde", broj:16/23) Ministarstvo za privredu Bosansko-podrinjskog kantona Goražde, **donosi:**

P R O G R A M

utroška sredstava Ministarstva za privredu Bosansko-podrinjskog kantona Goražde sa ekonomskog koda 614100 „Tekući transferi drugim nivoima vlasti za razvoj turizma

Tačka 1. NAZIV PROGRAMA

Naziv Programa je:"Program razvoja turizma u Bosansko-podrinjskom kantonu Goražde za 2026. godinu" (u daljem tekstu: Program).

Tačka 2. NADLEŽNOSTI MINISTARSTVA ZA PRIVREDU

Na osnovu Zakona o ministarstvima i drugim tijelima kantonalne uprave Bosansko-podrinjskog kantona Goražde („Službene novine Bosansko-podrinjskog kantona Goražde“ broj: 09/13) nadležnosti Ministarstva privrede su predlaganje i provođenje politike u oblasti industrije, poduzimanje mjera za unaprijeđenje proizvodnje, upravljanje prirodnim bogatstvima, razvoj poljoprivrede, upravljanje poljoprivrednim zemljištem, uzgoj, zaštita i unaprijeđenje šuma, šumske komunikacije i eksploatacija šuma, industrijske vode, vodoprivredne aktivnosti, korištenje voda u energetske i rekreacijske svrhe, upotreba i zaštita voda, ulaganja u privredna preduzeća, promet roba i usluga, učešće u kreiranju politike uvoza i izvoza, kontrola cijena proizvoda i usluga, zaključivanje ekonomskih sporazuma, kreiranje i implementaciju politike kantonalnog turizma, razvoj turističkih resursa, razvoj rekreativnih, rehabilitacijskih i drugih centara, promocija turizma, ugostiteljstvo, poduzetništvo, provođenje politke razvoja komunikacija i transportne infrastrukture, razvoj javnog prometa, izgradnja, obnova i održavanje saobraćajnica od značaja za kanton, modernizacija cestovnog prometa i osiguranje komunikacijskih veza na području Bosansko-podrinjskog kantona Goražde.

Program je izrađen u skladu sa:

- a) Zakonom o izvršenju budžeta Bosansko-podrinjskog kantona Goražde za 2026. godinu („Službene novine Bosansko-podrinjskog kantona Goražde“ broj: 13/25),
- b) Zakona o ministarstvima i drugim tijelima Kantonalne uprave Bosansko – podrinjskog kantona Goražde ("Službene novine Bosansko-podrinjskog kantona Goražde ", br.9/13 i 13/13),
- c) Startegije razvoja Bosansko-podrinjskog kantona Goražde za period 2021-2027.godine („Službene novine Bosansko-podrinjskog Goražde“ broj: 04/21),
- d) Startegije razvoja turizma Bosansko-podrinjskog kantona Goražde za period 2023-2030.godine („Službene novine Bosansko-podrinjskog Goražde“ broj: 16/23).

Tačka 3. SVRHA PROGRAMA

Programom će se obezbijediti, sufinansiranje projekata/zahtjeva u oblasti turizma i ugostiteljstva na području Bosansko-podrinjskog kantona Goražde s namjerom obogaćivanja ponude i stvaranja novog prepoznatljivog turističkog proizvoda, projekte koji se odnose na razvoj i proširenje turističke i ugostiteljske ponude aktiviranjem turističkih resursa i potencijala i uvrštavanje istih u turističku ponudu Bosansko-podrinjskog kantona Goražde, kao i novog zapošljavanja, pružanje podrške privrednim duštvima/obrtnicima registrovanim za obavljanje djelatnosti iz oblasti turizma i ugostiteljstva na području Bosansko-podrinjskog kantona Goražde za prevazilaženje problema u poslovanju.

Tačka 4. OPIS PROGRAMA

Program utroška je provedbeni akt Ministarstva za privredu Bosansko-podrinjskog kantona Goražde koji osigurava da se planirana sredstva u budžetu Ministarstva za privredu Bosansko-podrinjskog kantona Goražde koriste na transparentan, specifičan, mjerljiv način u vremenski određenom periodu sa namjerom/svrhom da se omogući povećanje aktivnosti u sektoru turizma i ugostiteljstva kao i poboljšanje ukupne kvalitete života na prostoru Bosansko-podrinjskog kantona Goražde.

Program definiše bitne elemente za dobijanje saglasnosti od strane Vlade Bosansko-podrinjskog kantona Goražde, u skladu sa Zakonom o izvršenju budžeta Bosansko-podrinjskog kantona Goražde i to; odredbe o početku i rokovima provođenja programa, opšti cilj i poseban cilj Programa za 2026.godinu, potrebna sredstva za provođenje programa, kriterije za raspodjelu sredstava, procedure apliciranjem selekcije i evaluacije Projekata/zahtjeva za procjenu rezultata, naziv korisnika sredstava i procjenu nepredviđenih rashoda i rizika. Njegova realizacija neće biti moguća dok Ministarstvo za finansije ne odobri sredstva i dok ne postanu operativna.

Ukupna sredstva za realizaciju ovog Programa iznose **101.000,00 KM** i ista su planirana u Budžetu Ministarstva za privredu Bosansko-podrinjskog kantona Goražde na ekonomskom kodu **614 100 RAZ 002– Tekući transferi drugim nivoima vlasti- za razvoj turizma.**

Aplikanti su dužni obezbijediti minimalno 20% vlastitih sredstava od ukupne vrijednosti Projekta/zahtjeva.

Tačka 5. POČETAK I ROKOVI PROVOĐENJA PROGRAMA

U Programu su definisane aktivnosti za 2026. godinu, a provođenje Programa počinje dobivanjem saglasnosti od strane Vlade Bosansko-podrinjskog kantona Goražde i trajaće do 31.12.2026.godine, odnosno do utroška novčanih sredstava.

Tačka 6. OPŠTI I POSEBNI CILJEVI PROGRAMA

6.1. (Opšti cilj)

1. Osnovni ciljevi Programa su projekti izgradnje novih turističko-ugostiteljskih kapaciteta u svrhu održivog razvoja turizma, sufinansiranje novih turističkih proizvoda, izrade horizontalne i vertikalne turističke signalizacije, sufinansiranje izrade originalnih turističkih suvenira, sufinansiranje nabavke i ugradnje solarnih panela na postojećim turističkim objektima, manifestacije za obogaćivanje ljetnog/zimskog turizma na području BPK-a

Goražde(osim sajмова), adventi, nabavke čamaca za rafting, nabavka i ugradnja adekvatne ventilacijskih sistema u skladu sa Zakonom kontroli i ograničenoj upotrebi duhana, duhanskih i ostalih proizvoda za pušenje, opremanje kuhinja, renoviranje i uređenje prostora, nabavka aparata i uređaja, pružanje podrške privrednim duštvima/obrtnicima registrovanim za obavljanje djelatnosti iz oblasti turizma i ugostiteljstva na području Bosansko-podrinjskog kantona Goražde za prevazilaženje problema u poslovanju.

Aplikanti će aplicirati Projektima prema Ministarstvu za privredu Bosansko-podrinjskog kantona Goražde na osnovu objavljenog Javnog poziva za dostavljanje aplikacija (koje će biti propisane od strane Ministarstva za privredu) u cilju turističke ponude i razvoja turizma na području Bosansko-podrinjskog kantona Goražde.

Javni poziv se neće objavljivati za poseban cilj 3. u skladu sa Zakonom o izvršenju Budžeta BPK-a Goražde za 2026. godinu, članom 52. stav 4. kojim se nalaže da se sredstva po programima utroška sredstava mogu dodijeljivati po javnom pozivu minimalno 80% i po zahtjevima do 20%.

6.2. (Poseban cilj)

Dostizanje svrhe i općeg cilja Programa planirana je kroz ostvarenje posebnih ciljeva Programa. U skladu sa općim ciljem, posebni ciljevi Programa su:

1. Razvoj i unaprjeđenje održivog turizma na području BPK Goražde

Opis cilja: Ovaj cilj obuhvata: izgradnju novih turističko-ugostiteljskih kapaciteta, razvoj novih turističkih proizvoda, izradu turističke signalizacije (putokazi, trim staze, šetnice, putna odmorišta, info punktovi, vidikovci, biciklističke staze i sl.), izradu originalnih turističkih suvenira, nabavku i ugradnju solarnih panela na postojećim turističkim objektima, nabavka čamaca za rafting (kapaciteta minimalno 8 ljudi) sa motorom ili bez, manifestacije za obogaćivanje ljetnog/zimskog turizma na području BPK-a Goražde (osim sajмова), adventi.

Očekivani efekti realizacije cilja 1: povećanje atraktivnosti turističke ponude kantona, povećan broj domaćih i stranih turista, produženje turističke sezone, povećanje prihoda u sektoru turizma i ugostiteljstva, jačanje lokalne ekonomije i otvaranje novih radnih mjesta, smanjenje negativnog uticaja na okoliš kroz korištenje obnovljivih izvora energije, podizanje općeg dojma o kantonu, općini kao turističkoj sredini; povećanje turističkog prometa i potrošnje.

Pravo sudjelovanja na javnom pozivu ostvaruju: privredna duštva/obrtnici registrovani za obavljanje djelatnosti iz oblasti turizma i ugostiteljstva na području Bosansko-podrinjskog kantona Goražde, udruženja koja su registrovana u oblasti turizma na području Bosansko-podrinjskog kantona Goražde, sa projektima usmjerenim na realizaciju ciljeva ovog programa.

Aplikanti na ovaj cilj mogu aplicirati samo putem Projekta.

2. Unapređenje uslova rada i boravka u ugostiteljskim objektima u skladu sa zakonskim propisima

Opis cilja: Osiguranje adekvatnih tehničkih i zdravstveno-higijenskih uslova u ugostiteljskim objektima kroz ulaganja u opremu i infrastrukturu, u skladu sa važećim zakonima. Obuhvata:

nabavku i ugradnju adekvatnih ventilacijskih sistema, uređenje prostora za pušenje u skladu sa Zakonom o kontroli i ograničenoj upotrebi duhana, duhanskih i ostalih proizvoda za pušenje, kao i opremanje kuhinja, renoviranje i uređenje prostora, nabavka aparata i uređaja.

Očekivani efekti realizacije cilja 2: poboljšani uslovi boravka za goste i zaposlene, smanjenje štetnog uticaja duhanskog dima, usklađenost ugostiteljskih objekata sa zakonskim propisima, smanjenje rizika od kazni i inspekcijskih mjera, povećanje kvaliteta i standarda ugostiteljske usluge na području Bosansko-podrinjskog kantona Goražde.

Pravo sudjelovanja na javnom pozivu ostvaruju: privredna duštva registrovana za obavljanje djelatnosti iz oblasti turizma i ugostiteljstva na području Bosansko-podrinjskog kantona Goražde sa projektima usmjerenim na realizaciju ciljeva ovog programa.

Aplikanti na ovaj cilj mogu aplicirati samo putem Projekta.

3. Stabilizacija i unaprijeđenje poslovanje ugostiteljskih subjekata

Opis cilja: Stvaranje uslova za stabilizaciju poslovanja ugostiteljskih subjekata kroz ciljane investicije koje doprinose unapređenju tehničkih i funkcionalnih uslova rada, te povećanju kvaliteta pružanja ugostiteljskih usluga. Ciljem se obuhvata: nabavka i zamjena dotrajale ugostiteljske opreme, adaptacija i funkcionalno uređenje ugostiteljskih prostora (adaptacija kuhinje, sale, toaleta).

Efekti realizacije cilja: unaprijeđeni uslovi rada u ugostiteljskim objektima, povećan nivo kvaliteta ugostiteljske usluge, poboljšano zadovoljstvo krajnjih korisnika usluga, smanjenje operativnih troškova poslovanja, povećana konkurentnost ugostiteljskih subjekata na tržištu, obezbijeđeni preduslovi za održivo i kontinuirano poslovanje.

Pravo sudjelovanja na javnom pozivu ostvaruju: privredna duštva registrovana za obavljanje djelatnosti iz oblasti turizma i ugostiteljstva na području Bosansko-podrinjskog kantona Goražde sa zahtjevom usmjerenim na realizaciju 3 cilja ovog programa.

Aplikanti na ovaj cilj mogu aplicirati samo putem Zahtjeva.

NAPOMENA: Obrtnici koji su registrovani za sezonsko obavljanje djelatnosti nemaju pravo učešća.

Tačka 7. POTREBNA SREDSTVA ZA PROVOĐENJE PROGRAMA

7.1. (Visina sredstava za provođenje programa)

Potrebna sredstva za provođenje Programa definisana su Budžetu Ministarstva za privredu Bosansko-podrinjskog kantona Goražde („Službene novine Bosansko-podrinjskog kantona Goražde“, broj:13/25), na ekonomskom kodu 614 100 RAZ 002–Tekući transferi drugim nivoima vlasti- za razvoj turizma , u iznosu od 101.000,00 KM.

7.2.(Maksimalni budžet)

Programom se utvrđuje visina sredstava za poseban cilj. Za poseban cilj finansijska sredstva Programa ukupno iznose 101.000,00 KM. :” Program razvoja turizma u Bosansko-podrinjskom kantonu Goražde za 2026. godinu ” realizovat će se kroz 3 posebna cilja. Za svaki poseban cilj, definisan je sljedeći maksimalni budžet:

1. Razvoj i unaprjeđenje održivog turizma na području BPK Goražde

Opis cilja: Razvoj turističko-ugostiteljskih kapaciteta kroz izgradnju novih i unapređenje postojećih turističkih proizvoda, uz poštivanje principa održivog razvoja. Ovaj cilj obuhvata: izgradnju novih turističko-ugostiteljskih kapaciteta, razvoj novih turističkih proizvoda, izradu turističke signalizacije (putokazi, trim staze, šetnice, putna odmorišta, info punktovi, vidikovci, biciklističke staze i sl.), izradu originalnih turističkih suvenira, nabavku i ugradnju solarnih panela na postojećim turističkim objektima, nabavka čamaca za rafting (kapaciteta minimalno 8 ljudi) sa motorom ili bez, manifestacije za obogaćivanje ljetnog/zimskog turizma na području BPK-a Goražde (osim sajмова), adventi.

Očekivani efekti realizacije cilja 1: povećanje atraktivnosti turističke ponude kantona, povećan broj domaćih i stranih turista, produženje turističke sezone, povećanje prihoda u sektoru turizma i ugostiteljstva, jačanje lokalne ekonomije i otvaranje novih radnih mjesta, smanjenje negativnog uticaja na okoliš kroz korištenje obnovljivih izvora energije, podizanje općeg dojma o kantonu, općini kao turističkoj sredini; povećanje turističkog prometa i potrošnje..

Maksimalni budžet : 50.000,00 KM

2. Unapređenje uslova rada i boravka u ugostiteljskim objektima u skladu sa zakonskim propisima

Opis cilja: Osiguranje adekvatnih tehničkih i zdravstveno-higijenskih uslova u ugostiteljskim objektima kroz ulaganja u opremu i infrastrukturu, u skladu sa važećim zakonima. Obuhvata: nabavku i ugradnju adekvatnih ventilacijskih sistema, uređenje prostora za pušenje u skladu sa Zakonom o kontroli i ograničenoj upotrebi duhana, duhanskih i ostalih proizvoda za pušenje, kao i za opremanje kuhinja, renoviranje i uređenje prostora, nabavka aparata i uređaja.

Očekivani efekti realizacije cilja 2: poboljšani uslovi boravka za goste i zaposlene, smanjenje štetnog uticaja duhanskog dima, usklađenost ugostiteljskih objekata sa zakonskim propisima, smanjenje rizika od kazni i inspekcijских mjera, povećanje kvaliteta i standarda ugostiteljske usluge na području Bosansko-podrinjskog kantona Goražde

Maksimalni budžet : 30.800,00 KM

3. Stabilizacija i unaprijeđenje poslovanje ugostiteljskih subjekata

Opis cilja: Stvaranje uslova za stabilizaciju poslovanja ugostiteljskih subjekata kroz ciljane investicije koje doprinose unapređenju tehničkih i funkcionalnih uslova rada, te povećanju kvaliteta pružanja ugostiteljskih usluga. Ciljem se obuhvata: nabavka i zamjena dotrajale ugostiteljske opreme, adaptacija i funkcionalno uređenje ugostiteljskih prostora (adaptacija kuhinje, sale, toaleta).

Efekti realizacije cilja: unaprijeđeni uslovi rada u ugostiteljskim objektima, povećan nivo kvaliteta ugostiteljske usluge, poboljšano zadovoljstvo krajnjih korisnika usluga, smanjenje operativnih troškova poslovanja, povećana konkurentnost ugostiteljskih subjekata na tržištu, obezbijeđeni preduslovi za održivo i kontinuirano poslovanje.

Maksimalni budžet : 20.200,00 KM

7.3.(Redistribucija sredstava)

U slučaju izmjene ukupne vrijednosti Programa koja je rezultat izmjene i dopune Budžeta Bosansko-podrinjskog kantona Goražde, preusmjerenja sa drugih kodova ili na druge kodove unutar budžeta Ministarstva za privredu i preusmjerenja između budžetskih korisnika, Ministarstvo za privredu se ovlašćuje da može vršiti izmjenu i dopunu Programa u skladu sa potrebama na osnovu kojih su donešene Odluke o preusmjerenju, povećanju ili smanjenju ukupne vrijednosti Programa uz saglasnost Vlade Bosansko – podrinjskog kantona Goražde.

U slučaju potrebe koja se ukaže u toku implemantacije Programa Ministarstvo za privredu može napraviti distribuciju sredstava sa jednog na drugi cilj u iznosu do maksimalno 50% od iznosa cilja sa koje se sredstva prenose. Redistribuciju ovih sredstava Ministarstvo će izvršiti odlukom ministra.

Tačka 8. KRITERIJI ZA RASPODJELU SREDSTAVA

8.1. (Način raspodjele sredstava)

Raspodjela sredstava vrši se dodjelom državne pomoći za svrhe predviđene poglavljem 3. Programa. Raspodjela sredstava vršit će se na osnovu odobrenih Projekata/zahtjeva u skladu sa posebnim ciljem Programa. Konačnu saglasnost na spisak korisnika sredstava državne pomoći iz ovog Programa daje Vlada Bosansko-podrinjskog kantona Goražde. Sredstva iz ovog Programa dodjeljivaće se u formi sufinansiranja troškova.

Ministarstvo za privredu obavještava Korisnike o načinu raspodjele i visini odobrenih sredstava, zatim se zaključuju ugovori s korisnicima, a potom se zahtjevi za realizaciju dostavljaju Ministarstvu za finansije Bosansko- podrinjskog kantona Goražde.

8.2. (Kriteriji za raspodjelu)

Sredstva iz Budžeta Ministarstva za privredu Bosansko-podrinjskog kantona Goražde za 2026.godinu će se dodjeljivati korisnicima, srazmjerno njihovom doprinosu ostvarivanja općih i posebnih ciljeva i očekivanih rezultata Programa. Za ocjenjivanje doprinosa ostvarivanja posebnog cilja Programa primjenjivat će se dva eliminatorna kriterija i jedan kriterij za rangiranje Projekata/zahtjeva.

Eliminatorni kriteriji su:

1. Ispunjavanje općih uslova za učestvovanje u Programu,
2. Ispunjavanje posebnih uslova za učestvovanje u Programu.

Kriterij po osnovu kojeg će se rangirati korisnici sredstava je rezultat procesa apliciranja, selekcije i evaluacije projekata/zahtjeva.

8.3.Opći uslovi za učestvovanje u Programu

U implementaciji Programa primjenjivaće se restriktivne procedure koje omogućavaju ravnopravno učestvovanje u Programu svim licima koja spadaju u jednu od sljedećih kategorija:

- a. da imaju status privrednog društva /obrtnika registrovanog u oblasti turizma ili ugostiteljstva na području Bosansko-podrinjskog kantona Goražde,

b. da imaju status udruženja i rješenje o registraciji kod nadležnog organa u Bosansko-podrinjskom Goražde u oblasti turizma,

Lica koja spadaju u kategoriju iz prethodnog stava obavezna su ispunjavati sljedeće opće uslove za učestvovanje u Programu:

1. Da imaju registraciju i sjedište na prostoru Bosansko-podrinjskog kantona Goražde,
2. Da imaju ugovor/potvrda o otvorenom bankovnom računu i da isti nije u blokadi,
3. ID broj aplikanta (identifikacioni broj aplikanta),
4. Da nemaju neizmirenih obaveza za poreze i doprinose, osim obaveza koje su obuhvaćene ugovorom o reprogramiranju duga,
5. Liste osiguranika izdana od strane Porezne uprave,
6. Izjava podnosioca prijave da do dana objave Javnog poziva nisu ostvarili poticaj od Vlade Kantona, Ministarstva ili drugog izvora, za realizaciju predloženog projekta, potpisana i ovjerena od strane podnosioca prijave,
7. Popis članova udruženja ovjeren i potpisan od strane predsjednika udruženja (samo za udruženja),
8. Da imaju Obavještenje o razvrstavanju pravnog lica po „Klasifikaciji djelatnosti Bosne i Hercegovine 2010”,
9. Izjava da imaju OBAVEZNO 20% vlastitog učešća od ukupne vrijednosti projekta/zahtjeva,
10. Premjer i predračun za realizaciju apliciranog projekta/zahtjeva,
11. Potvrda o uplaćenju boravišnoj taksi za 2025.godinu (samo za aplikante koji imaju smještajne kapacitete).

Udruženja koja nemaju zaposlenog/ih, ne dostavljaju dokumentaciju navedenu pod tačkom 5) i 6).

8.4. Posebni uslovi za učestvovanje u Programu

U implementaciji Programa, pored općih, primjenjivaće se i posebni uslovi za učestvovanje u Programu.

Posebni uslovi koji se primjenjuju za aplikante su:

1. Da spadaju u a. ili b. kategoriju lica kojima je općim uslovima omogućeno učestvovanje u Programu.
2. Da su ispunili ugovorene obaveze i namjenski utrošili sredstva odobrena od strane Ministarstva za privredu Bosansko-podrinjskog kantona Goražde u periodu od protekle tri godine ukoliko im je takva pomoć dodjeljena.
3. Da se realizacija projekta /zahtjeva planira u skladu sa procedurama predviđenim Programom.

Sredstva su namijenjena privrednim društvima, obrtnicima, ugostiteljima, i udruženjima koja su registrovana kod nadležnog organa za oblast turizma na području Bosansko-podrinjskog kantona Goražde, a koji apliciraju sa projektom/zahtjevom koji je u skladu sa općim i posebnim ciljem Programa.

8.5. (Kandidovanje prijedloga projekta/zahtjeva)

Prijedlozi Projekata za dodjelu sredstava dostavljaju se na osnovu objavljenog Javnog poziva Ministarstvu za privredu Bosansko-podrinjskog kantona Goražde. Ministarstvo za

privredu zadržava pravo da raspiše Javni poziv za utvrđene ciljeve cilj 1 i cilj 2, dok za cilj 3 neće se raspisivati javni poziv u skladu sa Zakonom o izvršenju Budžeta BPK-a Goražde za 2026. godinu, članom 52. stav 4. kojim se nalaže da se sredstva po programima utroška sredstava mogu dodijeljivati po javnom pozivu minimalno 80% i po zahtjevima do 20%. Prijedlozi Projekata se dostavljaju isključivo putem aplikacione forme za projekte, a zahtjevi se dostavljaju u propisanoj formi za zahtjeve. Svi prijedlozi projekata/zahtjeva se procjenjuju u skladu sa procedurama apliciranja, selekcije, evaluacije i rangiranja.

Tačka 9. PROCEDURE APLICIRANJA, SELEKCIJE I EVALUACIJE PROJEKATA ZA SREDSTVIMA

9.1. (Aplikanti)

Lica koja ispunjavaju opće uslove za učestvovanje u Programu i koja u formi propisanoj od strane Ministarstva za privredu Bosansko-podrinjskog kantona Goražde dostave projekte/zahtjeve imaju status aplikanta. Javni poziv se raspisuje po dobivanju saglasnosti na Program od strane Vlade Bosansko-podrinjskog kantona Goražde. Javni poziv minimalno sadrži sažetak svrhe općeg i posebnog cilja, način raspodjele i rokove za dostavljanje Projekata. Javni poziv se objavljuje na internet stranici Vlade Bosansko-podrinjskog kantona i u najmanje jednom od elektronskih medija.

Javni poziv će biti otvoren do 30.10.2026. godine ili do utroška sredstava predviđenih ovim Programom.

Javni poziv se neće objavljivati za poseban cilj 3. u skladu sa Zakonom o izvršenju Budžeta BPK-a Goražde za 2026. godinu, članom 52. stav 4. kojim se nalaže da se sredstva po programima utroška sredstava mogu dodijeljivati po javnom pozivu minimalno 80% i po zahtjevima do 20%.

Aplikant može dostaviti samo jednu prijavu na javni poziv.

9.2. (Kandidovanje prijedloga Projekata/ zahtjeva)

Aplikant može kandidovati projekat/zahtjev u kojem je planirano sufinansiranje troškova projekta/zahtjeva iz sredstava Programa. Aplikant može dostaviti samo jedan projekat/ zahtjev okviru Javnog poziva a u skladu sa procedurama predviđenim Programom.

9.3. (Finansiranje prijedloga projekata/zahtjeva)

Prijedlozi projekata/zahtjeva čiji ukupni iznosi prelaze minimalni i maksimalni iznos projekta/zahtjeva u kojima je planirani grant veći ili manji od utvrđene visine, projekti/zahtjevi u kojima nije obezbjeđeno vlastito učešće i projekti/zahtjevi pisani rukom će u fazi administrativne provjere biti automatski odbijeni kao neprihvatljivi za finansiranje.

Minimalni i maksimalni iznos granta za sufinansiranje projekata/zahtjeva iz sredstava ovog Programa su definisani u rasponu za svaki posebni cilj u tabeli 1.

Tabela 1:

Pregled iznosa grant sredstava za sufinansiranje po Programu

Ciljevi Programa	Ukupna vrijednost po ciljevima	Minimalan-maksimalan iznos
Razvoj i unaprjeđenje održivog turizma na području BPK Goražde	50.000,00 KM	OD 1 .000,00 KM DO 8.000,00 KM
Unaprjeđenje uslova rada i boravka u ugostiteljskim objektima u skladu sa zakonskim propisima	30.800,00 KM	OD 1.000.00 KM DO 3.000,00 KM
Stabilizacija i unaprijeđenje poslovanje ugostiteljskih subjekata	20.200,00 KM	OD 1.000.00 KM DO 2.000,00 KM

9.4. (Otvaranje aplikacija i administrativna provjera)

Otvaranje aplikacija i administrativna provjera za prijedloge Projekata se provodi nakon isteka roka koje će biti definisan u Javnom pozivu.

Administrativna provjera se provodi u cilju utvrđivanja da li aplikant koji je dostavio aplikaciju ispunjava uslove za dobivanje statusa aplikanta u skladu sa odredbama ovog Programa. Administrativnu provjeru provodi komisija Ministarstva za privredu Bosansko-podrinjskog kantona Goražde. Komisija provjerava da li je aplikacija zadovoljila slijedeće uslove:

- da je aplikacija dostavljena u roku i na način predviđen programom,
- da je aplikacija potpuna i ispravno popunjena u skladu sa propisanom formom,
- da su dostavljeni svi prilozi na način predviđen programom i Javnim pozivom,
- da aplikant ispunjava opšte uslove za učestvovanje u programu,
- da je aplikacija usklađena sa svrhom programa, opštim ciljem programa, da je zahtjevana podrška u skladu sa posebnim ciljevima programa, da je predloženo finansiranje u skladu sa odredbama o finansiranju, da su ispunjeni uslovi i kriteriji za ostvarivanje državne pomoći.

Ukoliko su ovi uslovi ispunjeni, Komisija će aplikaciju evaluirati u skladu sa odredbama Programa. Komisija može zatražiti od aplikanta dostavljanje dodatne dokumentacije ukoliko je očigledno da je dokument izostavljen zbog slučajne tehničke greške, a što se može indirektno utvrditi na osnovu preostale dostavljene dokumentacije. Komisija može zatražiti dopunu dokumentacije za maksimalno dva dokaza o ispunjavanju opštih ili posebnih uslova koja su propisana programom. U suprotnom aplikacija će i bez evaluacije biti odbijena iz administrativnih razloga. Aplikacije pisane rukom će biti automatski odbijene.

9.5. (Evaluacija dostavljenih prijedloga projekata/zahtjeva)

Za provođenje procesa selekcije, evaluacije i ocjenjivanja prijedloga Projekata i Zahtjeva Ministarstvo za privredu će formirati komisiju od tri (3) člana. Komisija sve dostavljene aplikacije razmatra i evaluira u periodu od maksimalno 30 dana od završetka jednog od Javnih poziva.

U evaluaciju Projekata i Zahtjeva komisija primjenjuje pet grupa kriterija i to:

- a) Finansijski i operativni kapaciteti aplikanta
- b) Relevantnost
- c) Metodologija
- d) Održivost
- e) Budžet i troškovna efikasnost

9.6. (Ocjenjivanje/evaluacija aplikacija)

Evaluacija aplikacija se provodi na osnovu kriterija i skale za evaluaciju. Evaluacijski kriteriji su podjeljeni u okviru grupa i podgrupa. Za svaku podgrupu komisija daje ocjenu između 1 i 5 prema slijedećim redoslijedom:

- 1 - veoma slabo;
- 2 - slabo;
- 3 - adekvatno;
- 4 - dobro;
- 5 - veoma dobro.

Maksimalan broj bodova za Projekte iznosi 100, a za zahtjeve 80. Projekti koji imaju manje od 70 bodova se odbacuju u prvom krugu selekcije, a zahtjevi koji imaju manje od 50 bodova odbacuju se u prvom krugu selekcije. Ukoliko je ukupan rezultat u poglavlju **relevantnost** manji od 15, aplikacija se odbija bez obzira na dobiven ukupan maksimalan broj bodova.

Ukoliko je ukupan rezultat u poglavlju **budžet i troškovna efikasnost** manji od 15, aplikacija koja se odnosi na Projekte/zahtjeve se odbija bez obzira na dobiven ukupan maksimalan broj bodova.

Komisija će procjenjivati vrijednost kriterija, prilikom određivanja vrijednosti kriterija će se pridržavati prioriteta, posebnih uslova, finansijskih kriterija i načina rangiranja koji su propisani Programom. Svi članovi komisije dodjeljuju ocjene, a ukupan broj bodova se dobija kada se ocjene dobivene od svih članova komisije podjeli sa brojem članova komisije.

9.7. (Kriteriji i skala za evaluaciju)

K R I T E R I J	S K A L A	
	Projekti	Zahtjevi
1. Finansijski i operativni kapaciteti aplikanta	10	10
1.1. Procjenjeni nivo iskustva aplikanta u upravljanju	5	5

Projektom/zahtjevom?

1.2. Procjenjeni nivo finansijskih kapaciteta aplikanta neophodnih za implementaciju projekata/zahtjeva?	5	5
2. Relevantnost	30	20
2.1. Da li je inovativan	10	10
2.2. Da li je projekat/zahtjev važan za razvoj turizma i afirmaciju Bosansko-podrinjskog kantona Goražde kao turističke destinacije u zemlji i inostranstvu	10	5
2.3. Da li projekat/zahtjev doprinosi unapređenju turističkih usluga i povećanju raznolikosti turističke ponude	10	5
3. Metodologija	10	10
3.1. Da li su jasno definisani ciljevi provođenja projektnih aktivnosti, mjerljivi, ostvarivi, relevantni i vremenski definisani	5	5
3.2. Da li su aktivnosti izvodljive i konzistentne sa ciljevima očekivanim rezultatima (izvodljivost projekta/zahtjeva, projektnih aktivnosti, jasnost povezanosti cilja projekta/zahtjeva s projektnim aktivnostima)	5	5
4. Održivost	20	15
4.1. Da li će mjere podrške programa značajnije doprinjeti rješavanju problema koji je naveden u prijedlogu projekta/zahtjeva?	5	5
4.2. Da li predložene aktivnosti mogu imati pozitivne efekte na poboljšanje stanja turizma na području Bosansko-podrinjskog kantona Goražde?	10	5
4.3. Održivost projektnih rezultata u periodu nakon završetka projekta/realizacije zahtjeva	5	5
5. Budžet i troškovna efikasnost	30	25
5.1. Da li je odnos između planiranih troškova i očekivanih rezultata zadovoljavajući?	10	10
5.2. Usklađenost predviđenih troškova sa ukupnim budžetom projekta i jasna vidljivost traženih sredstava za svaku od planiranih aktivnosti u okviru projekta/zahtjeva	10	10

5.3. Učestvovanje aplikanta u troškovima realizacije projekta/zahtjeva	10	5
Maksimalan broj bodova	100	80

9.8. (Procedure odobravanja prijedloga projekata/zahtjeva)

Aplikacije podnešene u formi projekta koj su u procesu evaluacije dobile više od 70 bodova, komisija rangira po broju osvojenih bodova. Aplikacije podnešene u formi zahtjeva koji su u procesu evaluacije dobile više od 50 bodova, komisija rangira po broju osvojenih bodova.

U procesu odobravanja, Komisija može uvidom na terenu provjeriti stanje u pogledu usklađenosti stvarnog stanja sa stanjem navedenim u projektu/ zahtjevu. Nakon provedenog rangiranja odobravaju se svi najbolje rangirani projekti/zahtjevi do visine raspoloživih sredstava koja su Programom definisana za svaki poseban cilj.

Komisija predlaže odobravanje projekata/zahtjeva u punom ili umanjenom iznosu u zavisnosti od rezultata procesa evaluacije istih i dostavlja ministru za privredu Bosansko-podrinjskog kantona Goražde.

U slučaju nedostatka sredstava u Budžetu Kantona, obustavlja se realizacija dodjele sredstava. Ministarstvo ne snosi troškove nastale u vezi sa prijavom na Javni poziv.

Odobrene projekte/zahtjeve Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da u skladu sa Zakonom o izvršenju Budžeta BPK Goražde za 2026.godinu, donese Odluku o odobravanju projekata/zahtjeva koji će se finansirati sredstvima iz budžeta Ministarstva za privredu Bosansko-podrinjskog kantona Goražde – ekonomski kod 614 100 RAZ 002 – Tekući transferi drugim nivoima vlasti za razvoj turizma.

Istovremeno sa prijedlogom Odluke o odobravanju projekata/zahtjeva, Vladi Bosansko-podrinjskog kantona Goražde se dostavljaju i nacrti ugovora o finansiranju odobrenih Projekata/zahtjeva.

Ukoliko se Odlukom Vlade Bosansko-podrinjskog kantona Goražde o davanju saglasnosti na spisak korisnika odobrava iznos granta veći od 10.000 KM, prije potpisivanja Ugovora, nacrt Ugovora dostavlja se Kantonalnom pravobraniocu na Mišljenje.

U slučaju da je planirano finansiranje Projekata iz Programa veće od 6.000 KM i manje od 50.000 KM, uz nacrt Ugovora podnosi se i Prijedlog Zaključka Vlade Bosansko-podrinjskog kantona Goražde o davanju saglasnosti Ministru za privredu Bosansko-podrinjskog kantona Goražde za potpisivanje Ugovora.

Nakon prihvatanja prijedloga Odluke o odobravanju projekata/zahtjeva za isplatu sredstava od strane Vlade Bosansko-podrinjskog kantona Goražde i pribavljenog Mišljenja kantonalnog pravobranilaštva na Nacrt Ugovora, pristupa se potpisivanju Ugovora za finansiranje Projekata/zahtjeva. Ugovorom se definiše način implementacije projekta/zahtjeva, vrijeme implementacije, obaveze korisnika sredstava i Ministarstva za privredu Bosansko-podrinjskog kantona Goražde i način obezbjeđenja instrumenata za namjenski utrošak sredstava.

Nakon potpisivanja Ugovora i obezbjeđenja instrumenata za namjenski utrošak sredstava, Ministarstvo za privredu Bosansko-podrinjskog kantona Goražde dostavlja zahtjev Ministarstvu za finansije Bosansko-podrinjskog kantona Goražde da izvrši isplatu sredstava iz budžeta Ministarstva za privredu Bosansko-podrinjskog kantona Goražde, sa ekonomskog kod 614 100 RAZ 002 – Tekući transferi drugim nivoima vlasti za razvoj turizma.

Tačka 10. NAZIV KORISNIKA SREDSTAVA

10.1. (Korisnici sredstava)

Korisnici sredstava su lica koja ispunjavaju opće i posebne uslove Programa i koji su uspješno završili proces apliciranja, selekcije i evaluacije i koji su uspješno rangirani za korištenje sredstava iz ovog Programa. Korisnici sredstava predviđenih Programom su, privredna dužta/obrtnici registrovani za obavljanje djelatnosti iz oblasti turizma i ugostiteljstva na području Bosansko-podrinjskog kantona Goražde, udruženja koja su registrovana u oblasti turizma na području Bosansko-podrinjskog kantona Goražde.

10.2. (Registar korisnika)

Ministarstvo za privredu Bosansko-podrinjskog kantona Goražde vodi registar korisnika u kojem se nalaze svi relevantni podaci o datoj državnoj pomoći u okviru ovog programa za period od pet godine od godine dobijanja državne pomoći.

Tačka 11. PROCJENA REZULTATA

Realizacijom ovog Programa očekuje se poboljšanje socijalno, ekonomsko, kulturno, i drugog standarda stanovništva. U slučaju promjene visine sredstava i drugih troškova po ovom Programu koji mogu nastati kao rezultat promjene zakonskih propisa ili usklađivanja budžeta Bosansko-podrinjskog kantona Goražde, budžet Programa se može mijenjati, povećavati ili smanjivati.

11.1. (Monitoring implementacije programa)

Monitoring se provodi sa ciljem utvrđivanja da li se implementacija podržanih aktivnosti provodi u skladu sa Odlukom o dodjeli sredstava i u skladu sa odredbama ovog programa. U cilju osiguranja procjene rezultata odabrani korisnici su dužni nakon utroška odobrenih sredstava dostaviti Ministarstvu za privredu Bosansko-podrinjskog kantona Goražde Izvještaj o provedenim aktivnostima koje su odobrene za finansiranje iz Programa.

Nadzor realizacije Programa utroška sredstava sa ekonomskog koda 614 100 RAZ 002– Tekući transferi drugim nivoima vlasti za razvoj turizma vrši Komisija Ministarstva za privredu Bosansko-podrinjskog kantona Goražde.

U slučaju da rezultati monitoringa ukažu na zaostatak u ispunjavanju ugovorenih obaveza, Ministar za privredu Bosansko-podrinjskog kantona Goražde donosi Rješenje o povratu dodjeljene državne pomoći.

Tačka 12. PROCJENA NEPREDVIĐENIH RASHODA I RIZIKA

12.1. (Nepredviđeni rashodi)

Kako bi se smanjili nepredviđeni rashodi unutar šeme podsticaja uvedeni su strogi finansijski kriteriji koji ograničavaju obim ostvarivanja podsticaja. Dodatno obezbjeđenje za

nepredviđene rashode je uvedeno kroz minimalne/maksimalne vrijednosti izdataka za poseban cilj čime je Program dodatno zaštićen od nepredviđenih rashoda.

Nepredviđeni rashodi mogu se pojaviti u slučaju povećane potražnje za podsticajnim mjerama obzirom da, zbog nedostatka novčanih sredstava u budžetu Ministarstva za privredu Bosansko-podrinjskog kantona Goražde nisu planirana dovoljna sredstva za ove namjene.

12.2. (Rizici)

Kako bi se smanjili rizici u procesu implementacije Programa uvedene su novine i u procesu selekcije i u monitoringu aktivnosti koje su podržane u okviru ovog Programa. Novine se odnose u omogućavanju službenicima terenske posjete i prikupljanju dodatnih informacija neophodnih za proces selekcije, te monitoring u toku same implementacije aktivnosti i mjera koje su podržane ovim Programom.

Aplikanti su dužni planirati odgovarajuće mjere koje će poduzeti u slučaju pojave rizika koji mogu uticati na ostvarivanje ciljeva i rezultata koji su predviđeni u aktivnostima i mjerama za koje su dobili podršku iz ovog Programa.

Kao sredstvo obezbjeđenja namjenskog utroška sredstava, korisnici su dužni resornom ministarstvu dostaviti mjenicu sa mjeničnim ovlaštenjem, čime će se izbjeći rizici u procesu implementacije projekta/zahtjeva.

Tačka 13. POTREBAN BROJ RADNIKA ZA PROVOĐENJE PROGRAMA

Za provođenje Programa su nadležni zaposleni u Ministarstvu za privredu Bosansko-podrinjskog kantona Goražde i Program ne zahtijeva angažovanje dodatnih radnika na provođenju Programa.

Tačka 14. STUPANJE NA SNAGU PROGRAMA

Ovaj Program stupa na snagu danom davanja saglasnosti na isti od strane Vlade Bosansko-podrinjskog kantona Goražde a naknadno će se objaviti u Službenim novinama Bosansko-podrinjskog kantona Goražde.

Broj: 04-11-132-2 /26

Goražde, 23.01.2026.godine

MINISTAR

mr.sc. Mensad Arnaut

Saglasnost na ovaj Program u skladu 47. Zakona o izvršenju Budžeta Bosansko-podrinjskog kantona Goražde za 2026.godinu ("Službene novine Bosansko-podrinjskog kantona Goražde", broj: 13/25), dala je Vlada Bosansko-podrinjskog kantona Goražde Odlukom broj: 03-11-125/26, dana 22.01.2026 .godine.